

Lembaran Kerja
Bahasa Melayu Darjah 2
Tema 2: Perpaduan

Bahagian A

Pilih jawapan yang betul.

- 1) Rahimi kawan baik Yahya. _____ selalu berbincang tentang pelajaran.
A) Kami
B) Dia
C) Mereka

- 2) Soo Mei membuang sampah ke dalam _____.
A) bakul sampah
B) kotak pensel
C) bakul sayur

- 3) Yong Han dan Pravin _____ kerana saling membantu dalam masalah pelajaran.
A) bagai telur di hujung tanduk
B) bagai aur dengan tebing
C) bagai isi dengan kuku

- 4) Perumpamaan ***bagai enau dalam belukar, melepaskan pucuk masing-masing*** membawa maksud _____.
A) mementingkan diri sendiri dan tidak bermuafakat
B) hubungan yang sangat rapat
C) orang yang berjalan lambat

5) Yahya _____ tangan sebelum dan selepas makan di kantin.

- A) membasuh
- B) mengelap
- C) bertepuk

6) Pilih ayat yang betul.

- A) Pak Pandir tebas semak samun di kebun jirannya.
- B) Pak Pandir menebas semak samun di kebun jirannya.
- C) Pak Pandir bertebas semak samun di kebun jirannya.



7) Pilih respons yang sesuai terhadap suruhan.

- A) Baiklah, mak cik. Saya akan pergi Ipoh bersama.
- B) Ya, mak cik. Saya akan mencabut pokok bunga mak cik.
- C) Baik, mak cik. Saya akan menyiram pokok bunga mak cik.



8) Yong Han berasa _____ kerana penyaman udara di rumahnya sudah rosak.

- A) sejuk
- B) panas
- C) sedih

9) Rahimi dan kawan-kawannya menggunakan komputer untuk _____.

- A) melayari internet
- B) menyusun buku cerita
- C) bersukan

10) Pilih ayat yang betul.

- A) Ai Lin tidak dapat melepasi palang itu kerana terlalu **rendah**.
- B) Hana menampalkan kertas warna yang **nipis** pada papan kenyataan.
- C) Pak Abu menggunakan galah yang **pendek** untuk mengait buah mangga.

Bahagian B

Jawab semua soalan berikut.

Jiran saya bernama Fathiyyah. Dia anak sulung daripada dua orang adik-beradik. Dia gemar memakai kemeja-T yang berwarna merah muda.

Fathiyyah kawan baik saya. Kami belajar di kelas yang sama. Dia murid yang pandai. Dia juga seorang yang periang dan disukai oleh rakan-rakan di sekolah. Setiap hari, kami menaiki bas ke sekolah pada awal pagi. Pada waktu petang pula kami bermain bersama-sama di taman permainan.

Keluarga Fathiyyah kaya. Namum begitu, mereka tidak sombong. Mereka selalu membantu jiran-jiran yang dalam kesusahan. Saya seronok kerana dapat berjiran dengan mereka.

1) Apakah warna kegemaran Fathiyyah? (2 markah)

2) Mengapakah Fathiyyah disukai oleh rakan-rakan di sekolah? (4 markah)

3) Nyatakan akibat jika kita bersikap sombong dan tidak menghulurkan bantuan kepada orang lain. (4 markah)

Bahagian C:

Anda diminta menjalankan temu duga dengan seorang rakan sekelas untuk mendapatkan maklumat asas mengenai dirinya. Anda boleh bertanya mengenai tempat tinggal, bilangan ahli keluarga, kegemaran dan sebagainya. Sila catat maklumat yang diperolehi untuk sesi perkongsian kemudian. (10 markah)

Skema Jawapan
Lembaran Kerja
Bahasa Melayu Darjah 2
Tema 2: Perpaduan

Bahagian A

1. C
2. A
3. B
4. A
5. A
6. B
7. C
8. B
9. A
10. B

Bahagian B

1. Warna kegemaran Fathiyyah ialah merah muda.
2. Fathiyyah disukai oleh rakan-rakan di sekolah kerana dia pandai dan bersikap periang.
3. Tidak disukai orang / dibenci / tiada kawan / mana-mana jawapan yang sesuai.